

# Powšitkowne WOZJEWJENJA

njedźelu, 20. junija 2021

## Wusyłanje Božeu mšow

Serbskorěčnej Božej mši móža wěriwi tutu njedźelu, 20. junija, znowa jako live-stream w interneće scěhować. Jedna přenjese so we 8.30 hodź. z Kulowskeje, dalša w 9 hodź. z Chróšćanskeje cyrkwy. Linkaj na nej stej w interneće pod [www.posol.de](http://www.posol.de) a na wosadnymaj stronomaj podatej.

## Jubilejne kemše digitalnje a decentralnje

Ze swjedźenskeje Božej mšu w Drježdźanskej katedrali woswjeći Drježdźansko-Mišnjanske biskopstwo tutu njedźelu, 20. junija, 100. róčnicu swjeho znowazałożenja. Kemše zahaja so w 10.00 hodź. a přenjesu so live w telewizijnym scelaku MDR. Link k tomu nańdu zajimcy pod [www.posol.de](http://www.posol.de).

## Jubiley tachantskeho kapitla swjateho Pětra

Tachantski kapitl swjateho Pětra zhladuje lětsa na swoje 800lětné wobstaće. K přiležnosći tuteje róčnicy su wěriwi na swjatočnu Božu mšu štwórtk, 24. junija, w 10 hodź. do Budyskeje tachantskeje cyrkwy přeprošeni. Ju swjeća bamžowski nuncius w Němskej, arcybiskop Nikola Eterović, Drježdźansko-Mišnjanski biskop Heinrich Timmervers a tachantski dekan Andreas Kutschke. Aktualnych wobmjezowanjow dla su přizjewjenja za kemše trěbne. Link k tomu je pod [www.posol.de](http://www.posol.de) podaty.

## Požohnowanje motorskich

Popołdno z požohnowanjom motorskich zahaji so njedźelu, 27. junija, w 14 hodź. z nyšporom w Ralbičanskej cyrkwi. Wšitcy su k tomu přeprošeni.

## Mandźelski seminar

Seminar k přihotej na sakrament mandźelstwa wotměje so pjatk a sobotu, 9. a 10. julija, w Smochčanskim kubłanišću swjateho Bena. Přizjewjenja přijimaja so hač do pón-džele, 28. junija, jeničce online na internetowej stronje Dekanatneho dušepastyrstwa. Link k wotpowědnemu formularaj a k dalšim pokiwam je pod [www.posol.de](http://www.posol.de) podaty.

## Serbske kemše w Drježdźanach

Drježdźanscy Serbja su na maćernorěčnu Božu mšu njedźelu, 4. julija, w 16.00 hodź. do cyrkwy swjateho Antonija w Drježdźanach-Löbtauwje, Bünauska 10, přeprošeni. Kemše změje farar Gabriš Nawka. Snano přizamknje so po tym zhromadna bjesada.

## **Jězba młodostnych do Oberammergauwa**

Dekanatne dušepastyrstwo za młodžinu přeprašuje serbskich młodostnych, zo bychu sej klětu spočatk meje zhromadnje na swětoznate pasionske předstajenje do Oberammergauwa dojěli. Wotjědu pjatk, 6. meje, nawječor a wróća so njedźelu, 8. meje, wječor. Jónkrótnje móža sej młodostni ze wšeho swěta w starobje 16 do 28 lět tamnišu generalku wobhladać. Z tym dóstanu zastupny lisćik za 24 eurow, kotryž hewak znajmjeńša 150 eurow płaci. Po předstajenju změja přiležnosć, so z dźiwadźelnikami rozmołwjeć. Nimo toho postaraja so Oberammergaučenjo wo kwartěry a zastaranje za přihódnu płaciznu. Zastup, zastaranje a nóclěh budže dohromady něhdže 70 eurow płacić. K tomu přińdu kóšty za transfer. Dalše informacije su pod [www.jugendtage-pasionsspiele.de](http://www.jugendtage-pasionsspiele.de) wozjewjene. Přizjewjenja přijimuje Worklečanske dekanatne młodžinske dušepastyrstwo hač do srjedy, 21. julija, ale jeničce online. Link k tomu je pod [www.posol.de](http://www.posol.de) podaty. Městna su wobmjezowane.

## **Prózdnińska jězba za dźěći**

Dekanatne dušepastyrstwo dźěći přeprašuje šulerki a šulerjow 5. do 8. lětnika w lětnich prózdninach na jězbu do Zehrena blisko Mišna. Wona wotměje so wot póndžele do pjatka, 23. do 27. awgusta. Swójski přinošk na wobdźělnika wučinja 100 eurow. Přizjewjenja přijimuja hač do njedžele, 18. julija, ale jeničce online. Link na wotpowědnu stronu je pod [www.posol.de](http://www.posol.de) wozjewjeny.

## **Dny za singlow**

Wšitcy singlojo su na zhromadny kónc tydženja do Smochčanskeho kubłanišća swjateho Bena přeprašeni. Tutón wotměje so wot pjatka do njedžele, 16. do 18. julija. Přizjewjenja přijimuja hač do pjatka, 2. julija, a to telefonisce pod čislom (03 59 35) 2 23 17 abo z mejlku na [ansgar.hoffmann@bg-schmochtitz.de](mailto:ansgar.hoffmann@bg-schmochtitz.de). Link k stronje z dalšimi informacijemi nańdu zajimcy pod [www.posol.de](http://www.posol.de).